

1. ՇԱՊՈՅ.—Մերկեզերի գիւղերու արեւմտեանն և Ամատ գիւղի 2 ¹/₂ ժամ հիւսիսն է, բարձր գիրքի մի վերայ հաստատուած. Ամատէն Բերխաննի ձորով շարունակ բարձրանալով պիտի հասնինք այս գիւղն:

Այս գիւղը 23 տուն ք. բնակիչ ունի. այս տեղ կը տեսնուին եկեղեցւոյ, ձիթհանքի և գերեզմանատան բեկորներ:

Շապոյով ի կազդուան գնալու համար Գէալա խարապայի (աւեր բերդ) ստորոտէն բարձրանալով՝ կալոյի ձորը պիտի իջնանք, ուստի ևս ի հիւսիս Աղբուլախ լեռան պիտի բարձրանանք, ապա պիտի խոնարհինք Արշապաձոր, յորմէ արեւելեան հիւսիսային ուղղութեամբ ի կազդուան:

Գէալէա խարապան Շապոյի ետէն է՝ կալոյի ձորի զլիսու հարաւային բարձրութեան վերայ, նաև Զամչայ լեռան ի հարաւ արեւմուտս խոնարհած մի թևի վերայ բարձր գիրք մի գրաւած է, որոյ զագաթն տասն արտավար տարածութիւն ունի և ի հիւսիս արեւմուտս հակեալ սեպ գառիվայր մը ունի, որ անմերձենալի է, իսկ Շապոյի կողմէն պատսպարուած է կոշտ պարսպով մի. կալոյի ձորի կողմն անմերձենալի ժայռերու վերայ հաստատուած և քար ու կրով շինուած է պարիսպն:

Բերդիս մէջ կը գտնուին քանի թագստեան վայրեր, խոր խոր այբեր:

Բասկեւիչի պատերազմն այս կողմերու իշխող Մէհմէտ փաշան այս բերդը ապաւինած էր 140 ձիաւորով և 8 օր պատսպարուած:

Բերդիս արեւելեան հիւսիսային ստորոտն կայ երկու փոքրիկ լճակներ, իւրաքանչիւրն երկուքական արտավար տարածութեամբ: